

semper misericordiam raverit, poterunt supra-  
Dei. Et si adhuc tempus dicta pluries repeti.  
tempestuosum perseve-

### Index alphabeticus.

Angelæ Mericiæ Virg. duplex. 21. Febr. . . . .	47*
Bartholomæi Gutierrez Mart. duplex. 2. Martii. . . . .	52*
Blasii Episc. et Mart., Patr. min. princip. Mexicanæ, duplex majus. 3. Febr. . . . .	28*
Catharinæ Bononiensis Virg. duplex. 9. Martii. . . . .	57*
Catharinæ de Ricciis Virg. duplex. 13. Febr. . . . .	35*
Coletæ Virg. duplex. 6. Martii. . . . .	55*
Eligii Conf. et Episc. Noviomensis, duplex 1. Dec. . . . .	1*
Emygdii Episc. et Mart. duplex. 28. Febr. . . . .	50*
Gelasii Mart. duplex. 14. Febr. . . . .	35*
Hilarie Mart. duplex. 31. Dec. . . . .	17*
Margaritæ de Cortona Virg. duplex. 22. Febr. . . . .	50*
Mariæ B. V. de Bethlehem, duplex majus. — Domin. III. post Epiph. . . . .	17*
— — de Guadalupe Mexic. prim. Patr. duplex j. cl. cum Oct. 12. Dec. . . . .	2*
— — Octava, duplex. 19. Dec. . . . .	14*
Philippi a Jesu Patr. princip. ac Martyr. Mexicani, dupl. j. class. cum Octava in civitat. Mexic., in diec. vero suffrag. dupl. majus. 5. Febr. . . . .	28*
— — Octava, duplex. 12. Febr. . . . .	33*
Sebastiani Valfré Conf. duplex. 30. Jan. . . . .	25*
Spineæ Coronæ SS. D. N. J. C. — Feria VI. ante Festum S. Joseph. . . . .	60*
Vulnerum Quinque D. N. J. C. duplex majus. — Feria VI. post Cineres. . . . .	35*
Lectiones iij. Nocturni in Evang. <i>Nolite arbitrari</i> , pro uno Mart. non Pont. . . . .	54*
Exorcismus contra imminetent tempestatem . . . . .	60*

Concordat cum originali. — IMPRIMATUR.

Tornaci, die 5 Februarii 1901.

VICT. DUREZ, Vic. Gen.

Typis Societatis S. Joannis Evang. — Romæ-Tornaci.

## Homiliæ nonnullæ e Brevariario et Octavario Romano collectæ.

Pro uno Martyre.

IV. ALIA HOMILIA.

Lectio sancti Evangelii  
secundum Matthæum.

Lectio vij. Cap. x.

**I**N illo tempore : Dixit  
Jesus discipulis suis :  
Nolite arbitrari, quia pa-  
cem venerim mittere in  
terram : non veni pacem  
mittere, sed gladium. Et  
reliqua.

Homilia sancti Hilarii  
Episcopi. Cap. x.

**U**Æ ista divisio  
est? inter prima  
enim legis præcê-  
pta accëpimus : Honora  
patrem tuum et matrem  
tuam; et ipse Dominus  
ait : Pacem meam do  
vobis, pacem meam relin-  
quo vobis. Quid sibi vult  
missus potius gladius in  
terram, et separatus a pa-  
tre filius, et filia a matre, et  
nurus adversus socrum, et  
hominis domestici ejusini-  
mici? Igitur exinde publi-  
ca auctoritas impietati  
proferrétur. Ubique odia,  
ubique bella, et gladius  
Domini inter patrem et  
filium, et inter filiam ma-  
trémque desævians.

℞. Coróna áurea.

Lectio viij.

**G**ladius telorum om-  
nium telum acutissi-  
mum est, in quo sit jus  
potestatis, et judicii sev-  
ritas, et animadversio pec-  
catorum. Et hujus quidem  
teli nomine novi Evangé-  
lii prædicationem appel-  
latam frequens in Pro-  
phétis auctoritas est. Dei  
igitur verbum nuncupá-  
tum meminérimus in glá-  
dio : qui gladius missus in  
terram est, idest, prædi-  
cátio ejus hominum cór-  
dibus infusa. Fitque gravis  
in domo una dissensio, et  
doméstica novo homini  
erunt inimica : quia ille  
per verbum Dei divisus ab  
illis, manere et intérior et  
extérior, idest, et corpus  
et ánima, in spiritus novi-  
tate gaudébit.

℞. Hic est vere Martyr.

Lectio ix.

**P**ergit deinde eodem  
præceptorum et intel-  
ligentiæ decursu. Nam,  
posteaquam relinquenda  
omnia, quæ in sæculo car-  
rissima sunt, imperáverat,  
adjécit : Qui non accipit  
crucem suam, et sequitur  
me, non est me dignus :



quia qui Christi sunt, crucifixērunt corpus cum vitiis et concupiscētia. Et indignus est Christo, qui non crucem suam, in qua compātimur, commōrimur, consepelīmur, conresurgimus, accipiēns, Dōminum sit secūtus, in hoc sacramēto fidei spīritus novitate victūrus.

Te Deum.

V. ALIA HOMILIA.

Lectio sancti Evangelii secundum Matthæum.

Lectio vij. Cap. x.

**I**n illo tempore : Dixit Iesus discipulis suis : Nolite arbitrari, quia pacem venerim mittere in terram : non veni pacem mittere, sed gladium. Et reliqua.

Homilia sancti Hieronymi Presbyteri.

Lib. 1. in Matth. cap. x.

**S**upra dixerat, Quod dico vobis in tenebris, dicite in lumine : et quod in aure auditis, predicatē super tecta. Nunc infert, quid post predicatōnem sequatur. Ad fidem Christi totus ordo contra se divisus est : unaquæque domus et infidēles et credentes habuit, et propterea bellum misum est bonum, ut rumpērēt pax mala. Tale quid et in Gēnesi adversus rebelles hōmīnes, qui moti

fuerant de Oriēte, et turrem extruere festinābant, per quam coeli alta penetrārent, fecisse scribitur Deus, ut divideret linguas eōrum.

℞. Corona aurea.

Lectio viij.

**V**eni enim separare hōminem adversus patrem suum. Hic locus prope iisdem verbis in Michæa Propheta scribitur. Et notandum, ubicūque de veteri Testamēto testimōnium pōnitur, utrum sensus tantum an sermo consēntiat. Qui amat patrem aut matrem plus quam me, non est me dignus. Qui ante prēmiserat, Non veni pacem mittere, sed gladium, et dividere hōmīnes adversus patrem et matrem, nulum et socrum; ne quis pietatem religioni antefēret, subjicit dicens : Qui amat patrem aut matrem plus quam me. Et in Cāntico legimus canticōrum : Ordināvit in me caritatem. Hic ordo in omni affectu necessarius est; ama post Deum patrem, ama matrem, ama filios.

℞. Hic est vere Martyr.

Lectio ix.

**O**rdo pulcherrimus : ad predicatōnem mittit, docet pericula non timēda, affectum subjicit reli-

gioni. Aurum supra tulerat, æs de zona excusserat. Dura Evangelistarum conditio. Unde ergo sumptus, unde victus necessaria? Austeritatem mandatorum spe temperat promissorum : Qui recipit, inquit, vos, me recipit : et qui me recipit, recipit eum qui me misit : ut in suscipiendis Apōstolis unusquisque credentium Christum se suscepisse arbitretur.

Te Deum laudamus.

### Pro pluribus Martyribus.

IV. ALIA HOMILIA.

Lectio sancti Evangelii secundum Matthæum.

Lectio vij. Cap. xxiv.

**I**n illo tempore : Sedente Jesu super montem Oliveti, accesserunt ad eum discipuli secreto, dicentes : Dic nobis, quando hæc erunt? Et reliqua.

Homilia sancti Hilarii Episcopi.

Comm. in Matth. cap. xxv.

**D**iscipuli Dōminum interrogant quando hæc fierent, quodve signum et adventus sui et consummatōnis sæculi noscerent. Et quia tria hæc in unum quæsitā sunt; distinctis et temporis et intelligentiæ significa-

tionibus separantur. Respondetur igitur primum de civitatis occasu : et confirmantur veritate doctrinæ, ne quis fallax ignorantibus posset obrēpere. Venturi enim erant etiam eorum tempore qui se Christum essent nuncupaturi. Ut igitur fides pestifero mendacio detrahi posset, admonitio præcessit.

℞. Propter testamētum.

Lectio viii.

**C**onfirmat igitur eos ad tolerantiam passionum, fugæ, verberationis, interitus, et publici in eos odii propter nomen ejus. Atque his quidem vexationibus multi turbantur, et tantis insurgentibus malis scandalizabuntur, et usque in mutuū odium excitabuntur. Et falsi prophetæ erunt (ut Nicolaus unus ex septem Diaconibus fuit) multosque ementita veritate pervertent : et abundante nequitia caritas refrigescet.

℞. Sancti mei.

Lectio ix.

**S**ed usque in finem perseverantibus salus reservata est : ac tum per omnes orbis partes viris apostolicis dispersis, Evangelii veritas predicabitur. Et cum universis fuerit cognitio sacramenti cœ-



léstis invécta, tum Jerúsalem occásus et finis incúmbet : ut prædicatiónis fidei et infidélium pœna, et metus civitatís erutæ consequátur. Hæc igitur in eam, ut fúerant prædicta, perfécta sunt : et lapidátis, fugátis, perémp

Apóstolis, fame, bello, captivitáte consúmpta est. Ac tum fuit digna non esse, cum ejectionis prædicatiónibus Christi, indignam Dei prædicatiónem se præbuit.

Te Deum laudámus.



Concordat cum originali. — IMPRIMATUR.  
Tornaci, die 2 Januarii 1902.  
Vict. DUREZ, Vic. Gen.



